



« 08 » փետրվարի 2021թ

ք.Երևան
Վայրը

Որոշում N 0029

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) ղեկավարի տեղակալ Սուրեն Ամիրյանս, ուսումնասիրելով.

- 1) Տեսչական մարմնի ղեկավարի 2020 թվականի սեպտեմբերի 11-ի թիվ 20090062 հանձնարարագիրը,
- 2) 2021 թվականի հունվարի 13-ի թիվ 20090062 ստուգման ակտը,
- 3) 2020 թվականի դեկտեմբերի 07-ին ՀՀ ԱՆ «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» ՓԲԸ-ի (այսուհետ՝ Փորձագիտական կենտրոն) կողմից ստացված թիվ 0114198520 գրությունը,
- 4) 2021 թվականի փետրվարի 4-ի վարչական իրավախախտումների վերաբերյալ արձանագրություն կազմելու մասին թիվ 03/780-2021 ծանուցագիրը,
- 5) վարչական իրավախախտումների վերաբերյալ 2021 թվականի փետրվարի 5-ի N 23 արձանագրությունը,



- 6) վարչական իրավախախտումների վերաբերյալ գործի քննությանը մասնակցելու վերաբերյալ 2021 թվականի փետրվարի 5-ի N 03/869-2021 ծանուցումը,

Պարզեցի

1. Նկարագրական մաս

Հիմք ընդունելով «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2-րդ հոդվածի 1-ին մասը, 3-րդ հոդվածի 2-րդ մասը, ք. Երևան, Շենգավիթ, Շիրակի փողոց 1/68 հասցեում գործունեություն իրականացնող «ԱԼՖԱ-ՖԱՐՄ ԻՄՊՈՐՏ» փակ բաժնետիրական ընկերությունում (պետական գրանցման համարը՝ 273.120.79534, հարկ վճարողի հաշվառման համարը (ՀՎՀՀ)՝ 02606482), մասնակցությամբ լիազորված անձ Արթուր Խաչատրյանի՝ Տեսչական մարմնի ղեկավարի 2020 թվականի սեպտեմբերի 11-ի թիվ 20090062 հանձնարարագրի հիման վրա, դեղերի շրջանառության ոլորտը կանոնակարգող օրենքների և այլ իրավական ակտերի պահանջների պահպանման փաստը պարզելու նպատակով՝ համաձայն Հայաստանի Հանրապետության կառավարության 2020 թվականի ապրիլի 30-ի թիվ 718-Ն որոշմամբ հաստատված N2 հավելվածով՝ դեղերի մեծածախ իրացման վերահսկողության N 2.3 ստուգաթերթի (ՏԳՏԴ ծածկագիր G46.46.2), 2020 թվականի դեկտեմբերի 02-ից մինչև 2020 թվականի դեկտեմբերի 22-ը իրականացվել է ստուգում:

«ԱԼՖԱ-ՖԱՐՄ ԻՄՊՈՐՏ» փակ բաժնետիրական ընկերության (ք. Երևան, Շենգավիթ, Շիրակի փողոց 1/68) գործունեության իրականացման վայրում ստուգման ժամանակ հայտնաբերվել են ՀՀ-ում չգրանցված դեղեր թվով 5 անվանում՝

1. Ջրածնի պերօքսիդ 3% 50 մլ, սերիա՝ 30010920, պիտանիության ժամկետ՝ 09.2021, առանց դրոշմապիտակ – 1 փաթեթ,

2. Ամոնիակի լուծույթ 10% 50 մլ, սերիա՝ 28011120, պիտանիության ժամկետ՝ 11.2021, առանց դրոշմապիտակ – 1 փաթեթ,



3. Ռիվանոլ 0,1 գրամ- սերիա 13011020 - պիտանիության ժամկետ՝ 06.2022, առանց դրոշմապիտակ – 1 փաթեթ,

4. Գլիցերին 30,0- սերիա 15020520 - պիտանիության ժամկետ՝ 11.2021, առանց դրոշմապիտակ – 1 փաթեթ,

5. Ալբուցիդ 0,5 գրամ (10/1×10/-) սերիա 18031120 - պիտանիության ժամկետ՝ 12.2022, առանց դրոշմապիտակ – 1 փաթեթ,

Վերոնշյալ դեղերը ըստ Փորձագիտական կենտրոնի տրամադրած դեկտեմբերի 07-ի թիվ 0114198520 գրության՝ կարող են դիտարկվել որպես ներդեղատնային պատրաստված, որոնք ենթակա են իրացման առանց պետական գրանցման միայն այն դեղատնից, որտեղ իրականացվել է մանրակշռումը: Սերիական արտադրության դեպքում նշված արտադրատեսակները ենթակա են պետական գրանցման:

Վերը նշվածից հետևում է, որ խախտվել են «Դեղերի մասին» ՀՀ օրենքի 23-րդ հոդվածի 2-րդ մասով սահմանված պահանջները:

2021 թվականի փետրվարի 4-ին «ԱԼՖԱ-ՖԱՐՄ ԻՄՊՈՐՏ» փակ բաժնետիրական ընկերության տնօրեն Միքայել Մացակյանը **03/780-2021 ծանուցագրով** հրավիրվել է մասնակցելու Տեսչական մարմնում (ՀՀ ք. Երևան, Նորք-Նարաշ, Ա. Արմենակյան 129) փետրվարի 5-ին կայանալիք վարչական իրավախախտումների վերաբերյալ արձանագրության կազմմանը, սակայն ներկա չի եղել:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը 2021 թվականի փետրվարի 5-ին կազմվել է վարչական իրավախախտումների վերաբերյալ N 23 արձանագրությունը, որը վարչական իրավախախտումների վերաբերյալ գործի քննության ծանուցագրի հետ միասին ուղարկվել է Միքայել Մացակյանին: Վերջինս, վարչական իրավախախտումների վերաբերյալ N 23 արձանագրությանը ներկայացրել է առարկություններ, մասնավորապես նշել է, որ «ԱԼՖԱ-ՖԱՐՄ ԻՄՊՈՐՏ» փակ բաժնետիրական ընկերությանը մատակարարել է «Ալֆա-Ֆարմ» ՓԲ ընկերությունը, ըստ հաշիվ-ապրանքագրերի: Վարչական վարույթի շրջանակում ներկայացվել են

համապատասխան փաստաթղթեր վերոնշյալ ապրանքների ձեռքբերման հետ կապված, ինչպես նաև հավաստագրեր, ըստ որոնց վերջիններս դեղեր չեն և համապատասխանում են այլ արտադրանքի ապրանքային դասերի: Միքայել Մացակյանը նաև նշել է, որ ըստ «ՀՀ Ստանդարտների Ազգային Ինստիտուտ» ՓԲԸ -ի կողմից տրված հայտարարագրի, Ջրածնի պերօքսիդի 3% լուծույթը դասվում է 284700 ԱՏԳ ԱԱ կոդի ներքո, իսկ Ամոնիակի 10% լուծույթ դասվում է 281400 ԱՏԳ ԱԱ կոդի ներքո, այսինքն վերջիններս չեն կարող հանդիսանալ դեղեր, որոնք դասակարգվում են 300400 ԱՏԳ ԱԱ կոդի ներքո: Միքայել Մացակյանի կողմից միջնորդություն չի ստացվել գործի քննությունը հետաձգելու մասին:

Տեսչական մարմնում (ՀՀ ք. Երևան, Նորք-Նարաշ, Ա. Արմենակյան 129) փետրվարի 8-ին ժամը 14:30-ին տեղի է ունեցել վարչական իրավախախտման վերաբերյալ գործի քննություն, որին «ԱԼՖԱ-ՖԱՐՄ ԻՄՊՈՐՏ» փակ բաժնետիրական ընկերության տնօրեն Միքայել Մացակյանը չի ներկայացել:

2. Պատճառաբանական մաս

Վարչական մարմինը հաստատված է համարում, որ խախտվել են «Դեղերի մասին» ՀՀ օրենքի 23-րդ հոդվածի 2-րդ մասի պահանջը, ըստ որի արգելվում է իրացնել Հայաստանի Հանրապետությունում չգրանցված դեղերը (**հիմք՝** Ստուգաթերթ, 2020 թվականի դեկտեմբերի 07-ին Փորձագիտական կենտրոնի կողմից ստացված թիվ 0114198520 գրություն (ՀՀ կառավարության 2019 թվականի փետրվարի 28-ի թիվ 150-Ն որոշմամբ սահմանված է, որ առողջապահության բնագավառում պետական կառավարման լիազոր մարմինը դեղերի շրջանառության պետական կարգավորման ոլորտում փորձաքննություններն ու մասնագիտական դիտարկումները կազմակերպում և իրականացում է Հայաստանի Հանրապետության առողջապահության նախարարության «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» փակ բաժնետիրական ընկերության միջոցով)):

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել են վարչական իրավախախտումներ, որի համար պատասխանատու է Միքայել Մացակյանը (ՆՔ 005042239 տրված՝ 19.11.2014, 004-ի կողմից, հաշվառման հասցե՝ ՀՀ Ք. Երևան Հր.Քոչարի փ. 14/1 շ 22 բն):

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող կամ ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Միքայել Մացակյանի կողմից իրավախախտումները կատարվել են անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Միքայել Մացակյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 47.3-րդ հոդվածի 1-ին մասի 1-ին կետի համաձայն Հայաստանի Հանրապետությունում չգրանցված (բացառությամբ Հայաստանի Հանրապետության օրենսդրությամբ սահմանված դեպքերի) դեղեր իրացնելը առաջացնում է տուգանքի նշանակում՝ յուրաքանչյուր անվանմամբ դեղի՝ մինչև 10 փաթեթի դեպքում՝ սահմանված նվազագույն աշխատավարձի հարյուրապատիկից մինչև հարյուրհիսնապատիկի չափով:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230-րդ, 279-րդ, 281-րդ, 283-րդ հոդվածներով, և 282-րդ հոդվածի 1-ին մասով՝

Որոշեցի

1. Միքայել Մացակյանին (ՆՔ 005042239 տրված՝ 19.11.2014, 004-ի կողմից)՝ որպես խախտում թույլ տված անձ, «Դեղերի մասին» ՀՀ օրենքի 23-րդ հոդվածի 2-րդ մասի պահանջները խախտելու համար՝ «Վարչական իրավախախտումների վերաբերյալ» ՀՀ օրենսգրքի 47.3-րդ հոդվածի 1-ին մասի 1-ին կետով թվով 5 (հինգ) անվանում՝ ջրածնի պերօքսիդ 3% 50 մլ, սերիա՝ 30010920, պիտանիության ժամկետ՝



ՀՀ ԱՌՈՂՈՐԾԱԿԱՆ և ԿԵՆՏՐԱԼԻ
ՏԵԾՈՒՄԸՆ ՄԱՐԴՈՒ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107

09.2021, առանց դրոշմապիտակ – 1 փաթեթ, ամոնիակի լուծույթ 10% 50 մլ, սերիա՝ 28011120, պիտանիության ժամկետ՝ 11.2021, առանց դրոշմապիտակ – 1 փաթեթ, ռիվանոլ 0,1 գրամ- սերիա 13011020 - պիտանիության ժամկետ՝ 06.2022, առանց դրոշմապիտակ – 1 փաթեթ, գլիցերին 30,0- սերիա 15020520 - պիտանիության ժամկետ՝ 11.2021, առանց դրոշմապիտակ – 1 փաթեթ, ալբուցին 0,5 գրամ (10/1×10/-) - սերիա 18031120 - պիտանիության ժամկետ՝ 12.2022, առանց դրոշմապիտակ – 1 փաթեթ, Հայաստանի Հանրապետությունում չգրանցված և իրացված դեղերի համար՝ ենթարկել վարչական տույժի՝ յուրաքանչյուր անվանմամբ դեղի համար սահմանված նվազագույն աշխատավարձի հարյուրապատիկի չափով՝ ընդհանուր 500 000 (հինգ հարյուր հազար) ՀՀ դրամ վարչական տուգանքի:

2. Սույն որոշումը ծանուցել Միքայել Մացակյանին՝ ՀՀ Ք. ԵՐԵՎԱՆ ՀՐ.ՔՈՉԱՐԻ Փ.14/1 Շ 22ԲՆ:

3. Սույն վարչական ակտն ուժի մեջ է մտնում մասնակիցներին իրազեկելու հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

Շնորհակալություն համագործակցության համար՝

 Recoverable Signature

X 

ՍՈՒՐԵՆ ԱՄԻՐՅԱՆ

Signed by: AMIRYAN SUREN 2001840748

ՍՈՒՐԵՆ ԱՄԻՐՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունների հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր

N900005024097:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)



ՀՀ ԱՌՈՂՋԱԿԱՅԻՆ և ԱՇԽԱՏԱՆԵՐԻ
ՏԵՍՉԱԿԱՆ ԲՈԴԻ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107